



Maqaalee Rabbii (Subhaanahu)-Kutaa 3.1

Description

Ar-Rahmaan Ar-Rahiim

Bismillah! Qalbiin namaa tuni wanta yeroo hundaa itti tasgabbootu fi boohartuu barbaaddi. Addummeen (kophummaan) ishiif diina. Wanti guddaan qalbiin itti tasgabbootu â€œjaalalaâ€ Garuu jaalala akkamiitu qalbiif tasgabbii fi booharti addaan hin cinne kennuufi dandaâ€™aa? Gaafii kanaaf deebii sirrii argachuun tasgabbii fi boohartii dhugaa namni hunduu dharraâ€™u argachuudha. Akkasi miti ree?

Jaalala bakka lama gurguddaatti quodu dandeenya: 1ffaa-Jaalala Uumaa (Rabbii), 2ffaa-Jaalala uumamtootaa. Jaalala uumamtootaa namni hundu ni dhandhama. Jaalalaa Uumaa garuu namoota xiqqootu dhandhama. Kanaafi, warroonni Rabbiin beekan (aarifonni)akkana jedhan: â€œJiraattonni addunyaa tanaa wanta garmalee miâ€™aayaa (gaarii) taâ€™ee osoo hin dhandhamin addunyaa tana gadi dhiisanii deeman.â€ Wanti garmalee gaariin (miâ€™aawan) suni maali? jedhamanii yommuu gaafataman, isaaniisakkana jechuun deebisan, â€œ**Rabbiin beekuu fi jaallachuudha.**â€ Kanaafu, jaalalli tasgabbii fi booharti addaan hin cinne namaaf kennu, jaalala Rabbiiti. Sababni isaas, Rabbiin yeroo hundaa sitti dhiyoodha, yaada muraada kee ni beeka, wanta feete itti himatta. Yommuu rakkoo fi kadhaa keetiif deebii siif deebisu garmalee gammadda. Garuu jaalalli uumamtootaakkanaa miti. Takkaa sirraa fagoo waan taâ€™aniif wanta feete itti himachuu fi itti haasawu hin dandeessu. Takkaa waan duâ€™aniif qunnamtiin guutumatti addaan cita. Akkasumas, wanta ati feetu hunda siif gochuu hin dandaâ€™an.

Rabbiin jaallachuun hayaatul quluubi (jirenya qalbiiti). Uumamaan qalbiin tasgabbii guutuu tan argattu yoo Khaaliqa (Uumaa) ishii jaallatteedha. Khaaliqa jaallachuuf maqaalee fi sifaata Isaa beekun barbaachisaadha. Waaâ€™ee wanta tokko osoo hin beekin wanta san jaallachuun ni dandaâ€™amaa? Kutaa darbee irraa itti fufuun maqaalee fi sifaata Rabbii (subhaanahu) qoâ€™achuu fi qorachuu itti fufna.

A-Hiika Ar-Rahmaan, Ar-Rahiim

Imaamu ibn Al-Qayyiim hiika maqaalee lamaan kanniin ilaachise ni jedha: Ar-Rahmaan rahmanni sifata (amala) Isaa kan taâ€™eedha. Ar-Rahiim immoo gabrootaaf kan rahmata godhuu (mararfatuudha).

Kanaafi Rabbiin Oltaâ€™aan akkana jedha: **â€œInni muâ€™mintootaaf rahmata godhaa (Rahiim) taâ€™eera.â€** (Al-Ahzaab 33:43) Qurâ€™aana keessatti, Rahmaanu bil-ibaadaahi ykn Rahmaanu bil-muâ€™miniina jechuun gonkumaa hin dhufne. Kanaafu, Rahmaan rahmataan kan ibsamu yommuu taâ€™u, Rahiim immoo rahmata Isaatin rahmata kan godhuudha[1]

Hiika kanarrraa kaâ€™uun Rabbiin Rahmaan yommuu jennu, sifanni (amalli) Isaa rahmata, ykn Inni Rahmataan kan ibsamuudha jechuu keenya. Rabbiin Rahiim yommuu jennu uumamtootaaf rahmata Kan godhuudha ykn mararfatuudha.

B-Sifaata maqaaleen kunniin of keessatti qabatan

Sifaanni maqaaleen kunniin of keessatti qaban: rahmata. Afaan Oromootin jechi Rahmatatti dhiyaatu â€œMararfannaâ€ dha. Ingiliffaan rahmata jechuun mercy, Amaariffaan immoo â€œIznatâ€ taâ€™a. Mararfanna jechuun namaaf garaa laafun wanta gaarii inni barbaadu kennuufi ykn waan badaa isarraa deebisudha.

Rabbiin subhaanahu wa taâ€™aalaa rahmata Isaaf malu qaba. Rahmanni sifaata (amaloota) Isaa keessaa tokko kan taâ€™ee fi haala Isaaf maluun kan ittiin ibsamuudha. Osoo hin dhabamsiisin, wayitti hin fakkeessin, akkana akkana osoo hin jedhin Rabbiin rahmata Isaaf malu akka qabuu mirkaneessuun barbaachisaadha. Rabbiin subhaanahu wa taâ€™aalaa ni jedha: â€œ**Gooftaan kee Dureessa Abbaa Rahmataati.**â€ (Suuratu Al-Anâ€™aam 133)

Rahmanni Rabbii wantoota hundaa kan haguugedha. Qurâ€™aana keessatti ni jedha:
î‘¾Ø¹ÙŽØ°ÙŽØ§Ø·Ù·ÙŠÙ“ Ø£Ù·ØµÙ·ÙŠØ·Ù·Ø·Ù·Ù‡Ù·Û; ÙÙŽÙ†Û; Ø£ÙŽØÙŽØ¢Ø;Ù·Ù-ÙÙŽØ±ÙŽØÛ;ÙÙŽØ·Ù·ÙŠÙÙŽØÙ·Ø·ÙŽØ·Û;ÙfÙ·Ù,,ÙÙŽÙ·ØÙŽÙŠÛ;Ø;Ù-Ûši’;
â€œAzaaba (Adabbii) Kiyya nama fedhe ittiin tuqa. Rahmanni Kiyya waan hundaaf balâ€™ate.â€
Suuratu Al-Aâ€™araaf 7:156

Wanti aayah tana irra barannu azaabni (adabbiin) Isaa nama hundaa hin tuqu. Nama Rabbiin fedhe irratti buû™a. Garuu rahmanni Isaa waan hundaa haguuga. Eenyullee rahmata Isaatirraa bilisa taû™ee jiraachu hin dandaû™u.

Rahmanni Rabbiin oltaâ€™aan gabrootaaf godhu gosa lama:

1ffa-Rahmata walii-galaa- Kuni rahmata walii galaa nama amanee fi hin amanne, nama waan gaarii hojjatu fi waan badaa hojjatu fi uumamtoota hunda hammatuudha. Rahmanni kunis rahmata qaamaa fi addunyaan wal qabatuudha. Kanneen akka nyaata, dhugaati, uffata, mana keessa jiraatan, geejjibaa fi kkf. Osoo rahmanni Rabbii jiraatu baate silaa nyaata hin nyaatan, dhugaati hin dhugan, hin uffatan, geejjiba yaabbatan hin argatan. Rahmata Isaatiin samii irraa bishaan buusun isaan nyaachisee obaasa. Rahmata Isaatiin halkan akka rafanii boqonnaa fudhatanii fi guyyaa akka hojjatan taasise. Rahmata Isaatiin, geejjiba horiitii fi sibiilaa isaaniif laaffise. Akka ragaatti aayah armaan olii dhiyeessun ni dandaâ€™ama.

2ffaa- Rahmataa addaa“ Kuni rahmata addaa warroota Isatti amananiif qofa godhuudha. Rahmanni kunis warroota amanan (muâ€™mintoota) addunyaa tana keessatti gara waan gaariitti isaan qajeelchu, dukkana keessaa gara ifaatti isaan baasu, isaan gargaaru, iiamaana irratti isaan gadi dhaabu fi kkf dha. Aakhiratti immoo ibidda irraa isaan baraarun Jannata seensisuudha. Kaafironni sababa kafaraniif rahmata gosa kanaa hin argatan. Akka ragaatti aayah jalqaba irratti eerre dhiyeessun ni dandaâ€™ama: â€¢Inni

muâ€™mintootaaf rahmata godhaa (**Rahiim**) taâ€™meeraâ€™ (Al-Ahzaab 33:43)

C.Asaara (buâ€™aa) rahmata gochuu irraa mulâ€™atuu

Namni tokko namaaf rahmata yoo godhe, buâ€™aan rahmata isaa ni mulâ€™ataa miti ree? Nama garmalee rakkateef rahmata yoo godhe, buâ€™aan rahmata isaa namni suni rakkoo keessa bahuu ykn rakkoon isaa hirâ€™achuudha. Ati nama maallaqa dhabeef rahmata yoo goote, maallaqa isaaf kenuun buâ€™aa rahmataati.

Buâ€™aan (effect) rahmata Rabbii irraa mulâ€™atuu gonkumaa lakkaawamee hin dhumu. Akkuma beekumsi Isaa waan hundaa marsee rahmanni Isaas waan hundaa haguuge jira. Rabbiin subhaanahu wa taâ€™aalaa duâ€™ayyi Malaykoonni namoota amananiif godhan akkana jechuun hima:

â€œIsaan (Malaykoonni) Arshii baadhatanii fi kanneen naannawa isaa (Arshii) jiran, faaruu Gooftaa isaanitiin [Rabbiin] qulqulleessu, Isattis ni amanu. Warroota amananiif [akkana jechuun] araarama kadhatu:â€œYaa Gooftaa keenya! Wanta hundaa rahmataa fi beekumsaan wal geesse jirta. Warroota tawbatanii fi karaa Kee hordofaniif araarami, adabbii Jahannam irraas isaan eegi.â€ Suuratu Ghaafir 40:7

â€œWanta hundaa rahmataa fi beekumsaan wal geesse jirta.â€ Kana jechuun rahmanni Kee wanta hundaa kan haguugu fi dhaqqabuudha. Uumamni rahmata Keetirraa bilisa taâ€™e hin jiru.

Beekumsaanis wanta hundaa Kan marsiteedha. Wanti Sirraa dhokatu tokkollee hin jiru. Dachii fi samii keessatti waan hundaa ni beekta.

Mee asi gaditti buâ€™aa rahmata Rabbii irraa mulâ€™atu muraasa isaa haa eerru.

1-Qananii

Qananiin namni keessaa fi alaan, dhoksaa fi ifaan argatu hundi buâ€™aa rahmata Rabbiiti. Osoo Inni rahmata gochuu baate silaa qanani kana hin argatu. Rabbiin subhaanahu wa taâ€™aalaa ni jedha:

وَإِن تَنْهَاكُمْ مِن كُلِّ مَا سَأَلْتُمُوهُ وَإِن تَعْدُوا نِعْمَتَ اللَّهِ لَا
تَحْصُو هَا إِنَّ الْإِنْسَانَ لَظَلُومٌ كَفَّارٌ



â€œWanta isin Isa kadhattan hundarraa isiniif kenne. Qanani Rabbii osoo lakkooftanii, lakkooftanii hin fixxan. Dhugumatti, namni baayâ€™ee miidhaa raawwataa, baayâ€™ee waakkataadha.â€ Suuratu Ibraahim 14:34

Waakkataa jechuun nama wanta tokko yommuu itti kennan, â€œnatti hin kennineâ€• jechuun amanuu diduudha ykn â€œewanti kuni kiyyaâ€• jechuun kan mormudha. Namoonni baayâ€™een qanani Rabbiin isaaniif kenne ni waakkatu. Kana jechuun qananiin Rabbiin irraa akka taâ€™e hin amanan, Isaaf galata hin galchan. â€œBeekumsaa fi ifaaje kiyyaan argadheâ€• jedhu. Yommuu akkana jedhuu, qabeenya isaatin badii adda addaa ittiin raawwachuu nafsee ofii miidha. Ergasii adabbii Rabbii cimaa saniif of saaxila.

Akkuma aayah keessatti jedhame qananii Isaa lakkawuu waan hin dandeenyef, qananiin kuni rahmata Isaa irraa taâ€™uu mee muraasa isaani haa ilaallu.

1.1. Rooba-Qurâ€™aana keessatti ni jedha:

رُسُلُ الرِّيَاحِ فَتُشِيرُ سَحَابًا فَيَبْسُطُهُ وَيَجْعَلُهُ كَسَفًا
 خَرُوجٌ مِنْ خَلَلِهِ فَإِذَا أَصَابَ بِهِ مَنْ يَشَاءُ مِنْ عِبَادِهِ إِذَا هُمْ يَسْتَبِشُونَ ﴿٤٨﴾
 قَبْلِ أَنْ يُنَزَّلَ عَلَيْهِمْ مِنْ قَبْلِهِ لَمْ يُبَلِّسِينَ ﴿٤٩﴾ فَانظُرْ إِلَى عَاثِرِ رَحْمَتِ اللَّهِ
 رُضَّ بَعْدَ مَوْتِهَا إِنَّ ذَلِكَ لِمْحٌ الْمَوْتِي وَهُوَ عَلَى كُلِّ شَيْءٍ قَدِيرٌ ﴿٥٠﴾

â€œRabbiin Kan bubbee erguudha, ishiinis duumessa ni sochoofti. Akka fedhettis samii keessa ni bittineessa, addaan kukkutamaas isa taasisa. Roobas kan jidduu isaatii bahu argita. Yeroma Inni [roobaan] gabroota Isaa irraa namoota fedhe tuqe, yeroma san isaan ni gammadu. Isaan duraan osoo roobni isaan irratti hin buâ€™in dura abdi murattoota turan. Gara buâ€™aa rahmata Rabbii ilaali-akkamitti dachii duâ€™a ishii booda jiraachise. Dhugumatti Kan [kana hojjate], warroota duâ€™an ni jiraachisa. Inni waan hundaa irratti Dandaâ€™aadha.â€ Suuratu Ar-Ruum 30:48-50

â€œRabbiin Kan bubbee erguudhaâ€ bubbee haala adda addaatin kan ergu Rabbii tokkicha. Isaan ala bubbee dachii fi samii jidduu kan oofu hin jiru. Jabeenya ishii, hamma hooâ€™insaa (tempireecharaa) ishiin qabdu, olkaâ€™iinsa lafarraa qabduu, ariiti ittiin bubbistuun hunda kan murteessu Isa tokkicha. Bubbeen kana hunda mataa ofiitiin murteessu dandeessii? Bubbee erga ergee booda duumessa ni sochoofti. Rabbiin (Azza wa Jalla) duumessa kana akka fedhetti samii keessa bittineessa. Duumessa kanas addaan kukkutamaa walirra tuttulame godha. Duumeessi samii keessa akkaataa adda addaatin bittinaâ€™e arginu kuni hojji Rabbii wanta hundaa sirreesseti.

â€œRoobas kan jidduu isaatii bahu argitaâ€ kana jechuun yaa nama ilaalu! Murtii Rabbiitiin, beekumsaa fi ogummaa Isaatiin duumessa jidduu rooba gadi jigu argita. Rooba duumessa keessa dhangalaâ€™u kana hamma isaa, akkaata itti buâ€™u, eessatti akka buâ€™u Rabbii oltaâ€™aa malee kan biraa murteessu dandaâ€™aa?

â€œYeroma Inni [roobaan] gabroota Isaa irraa namoota fedhe tuqe, yeroma san isaan ni gammadu.â€ Rabbiin subhaanahu gabroota Isaa irraa namoota fedhe bakka haajaa isaanii irratti rooba yoo buuse, yeroma san isaan ni gammadu. Roobni waan isaaniif roobef ni mirqaanu.

â€œIsaan duraan osoo roobni isaan irratti hin buâ€™in dura abdi murattoota turan.â€ Namoonni kunniin roobni isaaniif roobun dura, rooba irraa abdii kan muratanii fi dhamaaâ€™an turan. Dandeetti rooba itti roobsanii mataa ofii, lafa, horii isaanii itti obaasanii fi haajaa biroo itti bahan gonkumaa hin

qaban turan. Rooba samii irraa buusu waan hin dandeenyef abdii murattoota taâ€™an. Namoota abdii muratan kanaaf rooba kan buuse Rabbiidha. Rahmata isaatiin rooba roobsee isaanii fi horii isaanii obaasa. Kanaafu, mee ilaali gara buâ€™uu rahmata Isaa! Roobni buâ€™aa rahmata Isaa keessaa tokko. Gabrootaaf rooba samii irraa buusun Inni Rahmaan, Rahim (rahmata godhaa) taâ€™uu agarsiisa. (Mee yommuu bishaan dhugdu itti xinxalli. Bishaan dhugdu kuni hadhaawas garmalee miâ€™aawas miti. Jiddu galeessa sitti toluudha. Kanaafu, samii irraa bishaan qulqulluu kana buusun eenyutu si obaasee ree? Kuni rahmata Gooftaa keetii hin agarsiisuu?)

â€œGara buâ€™aa rahmata Rabbii ilaali-akkamitti dachii duâ€™a ishii booda jiraachisê€ Yaa nama xinxalluu fi hubatu, mee gara buâ€™aa rahmata Rabbii ilaali! Akkamitti bishaan samii irraa buusun dachii biqiltoota, midhaani fi mukkeen ishii magarsee jiraachisu ilaali. Bishaan roobaa biyyeen walitti makama. Ergasii sanyii fi hiddaan walitti makamuun hanga fuula dachii irratti biqiltoota lubbu-qabeenyi taâ€™an gahanitti ni guddatu. Haala kanaan, Rabbiin subhaanahu rahmata Isaatiin lafa keessaa biqiltoota fi midhaan baasun gabroota fi uumamtoota birootif soorata taasisa. Kuni buâ€™aa rahmata Isaati.

â€œDhugumatti Kan [kana hojjate], warroota duâ€™an ni jiraachisa.â€• Kana jechuun dachiin erga duute booda kan jiraachise, warroota duâ€™anis yeroo fedhetti ni jiraachisa. Guyyaa Qiyaamaa qorannoo fi jazaaf namoota duâ€™an hunda ni jiraachisa. â€•**Inni waan hundaa irratti Dandaâ€™aadhaâ€•** wanta fedhe argamsiisu yoo fedhe wanta san argamsiisuu irratti dandaâ€™aadha. Wanta fedhes dhabamsiisu yoo fedhe, isa dhabamsiisu irratti dandaâ€™aadha[2] Wanti Isa dadhabsiisu fi itti ulfaatu tokkollee hin jiru. Wanta fedhe hunda hojjachuu irratti dandaâ€™aa erga taâ€™ee, duâ€™aan booda namoota ni kaasaa jechuudha.

1.2 Halkanii fi guyyaa gochuuâ€“ Qurâ€™aana keessatti ni jedha:

وَمِنْ رَحْمَتِهِ جَعَلَ لَكُمُ الْيَلَ وَالنَّهَارَ لِتَسْكُنُوا فِيهِ وَلِتَبْثُغُوا مِنْ فَضْلِهِ وَلَعَلَّكُمْ تَشْكُرُونَ

٧٣

â€œAkka isa keessatti boqattanii fi tola Isaa irraa akka barbaaddattaniif, akkasumas akka Isa galatoomfattaniif rahmata Isaa irraa halkanii fi guyyaa isiniif godhe.â€• Suuratu Al-Qasas 28:73

Rahmata isiniif gochuu irraa kan kaâ€™e, halkan keessatti boqattanii fi tasgabbooftan, guyyaa keessatti tola Isaa irraa itti barbaadattanii fi dalagattan isiniif godhe. Rabbiin ala eenyutu halkanii fi guyyaa isiniif fiduu dandaâ€™aa?

1.2. Aduu fi jiâ€™a laaffisuâ€“

﴿وَسَخَرَ لَكُمُ الشَّمْسَ وَالْقَمَرَ دَأْبَيْنِ ﴾٧٣﴿ وَسَخَرَ لَكُمُ الْيَلَ وَالنَّهَارَ﴾

â€œAduu fi jiâ€™as walitti fufuun kan deeman taâ€™anii isiniif laaffise. Halkanii guyyaas isiniif laaffise.â€ Suuratu Ibraahim 14:33

Aduu guyyaa ifa ishii ibsuun isiniif faayda guddaa buustu isiniif laaffise. Jiâ€™as halkan baasun faayda guddaa kenu isiniif laaffise. Aduu fi jiiyni sirna dhaabbataa fi aadaa hin jijjiramne hordofu. Lamaan isaanitu orbiiti (karaa irra naannaâ€™an) irraa hin daban. Kuni rahmata Isaa irraayyi.

Maddoota

[Walillahi asmaaâ€™ul Husnaa fudâ€™uuhu bihaâ€“](#) AbdulAziz bin Naasir Jaliil,

[1] Sharih Ibn Al-Qayyim li Asmaaâ€™il Husna-fuula 36-37, Umar Ashqaar

[2] [Maâ€™aariju Tafakkuri wa daqaaâ€™iqu tadabbur](#)i 15/177-180, Abdurahmaan Habanka

Date Created

August 24, 2019

Author

admin